

一篇同卷

清靜經頌註
金玄羽章



御製

天地定位	陰陽協和	星辰順度	日月昭明
寒暑應候	雨暘以時	山嶽靖謐	河海澄清
草木蕃廡	魚鼈咸若	家和戶寧	衣食充足
禮讓興行	教化修明	風俗敦厚	刑罰不用
華夏歸仁	四夷賓服	邦國鞏固	宗社尊安
景運隆長	本支萬世	正統十年	十月十一日



太上老君說常清靜經頌序

金玄羽章附

淵一

神 峯 默 然 子 著

夫源清流靜湊法海之波澄蒂固根深抱純
陽之炁運盈虛消息六合周流原天地朕兆
之由探陰陽樞機之要夫人者委形於天地
惟清靜自然之歸混炁於陰陽具變通真常
之化清者撓之而不濁靜者安之而不動天
得一清地得一寧人得一靈者一神也若是
靈源湛徹聖道流通寂然不動應化無方感
而遂通生成何已天地有斯常性清靜無餘

男女無此常心昏迷有屬孰能濁以止靜之
徐清而已及矣故我
太上垂大慈悲演常清靜設教導俗輔正扶
宗務化民以歸根使舍真而抱一體洽玄元
煉神合道羽化飛仙不爲乖謬庶幾信受者
體樞法要皆可相應人莫非清靜以爲天下
正乃至千真萬聖咸不出於此矣

太上老君說常清靜經頌註

五太初爲先虛无道自然混元權祖正妙
體契宗玄演教明无上知常假喻證因斯
清靜德闡化立經篇

老君曰大道无形生育天地

大道隱乎形真精混窈冥二儀分如兆一
氣運無停覆載誠難測生成育底寧陶甄
能匠物蠢動盡含靈

大道无情運行日月

日月運虛空明明甚至公得天能久照麗

物可咸通有質蒙光煦无情混象融陰陽
常體道不息太无中

大道无名長養萬物

妙道實難名包含萬物生運時充地脉在
信稟天清吹煦真消息冲和大化成圓通

淵一

歸一體高下坦然平

吾不知其名強名曰道

无相杳无蹤難名混沌中未萌天地日安
得雨雲風鑿破胚暉兆衝開物象蒙因斯

夫造化權立道无窮

夫道者有清有濁有動有靜

清濁陰陽氣周流上下衝自然成感化終
則契圓通萬類含滋育三元配合同乾坤

交泰定都會一真空

天清地濁天動地靜男清女濁男動女靜

肇判兩儀分人靈至貴尊三才安宇宙二
物定乾坤種種含真炁元元實相門剛柔
相濟用體道孰能存

降本流末而生萬物

降本通真體還元見末因春陽敷之成暢秋

候主凋淪太極生形化純和造物新樞機
推大運掌握任功神

清者濁之源靜者動之基

清靜理幽深誰能究竟尋觀空除萬境絕
相了諸心慧月流丹漢慈雲覆翠岑寂然

淵一

三

神不動應物顯知音

人能常清靜天地悉皆歸

人悟常清靜知源妙聖機太初无染滯全

寂隱光輝默默藏沙界昏昏徹紫微三元

昇降後天地悉皆歸

夫人神好清而心擾之人心好靜而欲牽之
心者靈之府神棲靜可安貪嗔癡易作戒
定慧難觀深要正中正堅持閑內閑常無
生六欲法界自然寬

常能遣其欲而心自靜澄其心而神自清

若遣諸情欲澄心妙洞觀同真非物物歸
寂棄般般水遠連天靜山高戴月寒圓融
通智慧壺內袞金丸

自然六欲不生三毒消滅

正念無偏黨沖虛合自然六根塵頓息三

毒病須痊妙道超空劫全神達上天些兒
幽密處玄牝自綿綿

所以不能者為心未澄欲未遣也

迷路失家鄉都緣昧已光心浮誠易動境
熟為難忘欲染何能遣邪奸轉使荒回頭

堪悟處返照見空王

能遣之者內觀其心心无其心

覺了諸塵漏分明道眼開色聲非有礙知
見定須埋神靜千災滅心虛萬慮灰清風
穿玉戶自有好音來

外觀其形形无其形

諸相觀非相其形是種无内含真法界體
合大空虛雲靜蟾光露潭澄練色鋪此般
明顯示何在覓殊塗

遠觀其物物无其物三者既悟唯見於空

淵一

四

寂照觀諸物群靈豈有殊同真非可見絕
迹莫能模了了堂中老休休法外元玄玄
玄也泯八極任寬舒

觀空亦空空无所空

廓達真空界迴觀一物无混融同太漠湛

寂體虛无洞照音常寂圓通性自如中間
并内外不屬返元初

所空既无无亦无

達了心无物无无實亦无何勞除妄想豈
在辯精麤緣靜虛施巧歸真任不渝這般
消息密孰敢強名模

无无既无湛然常寂

萬法本來空无无合聖功湛然非内外寂
尔泯西東心境雙忘處方圓一槩同杳冥

超造化无物悉皆通

寂无所寂欲豈能生欲既不生即是真靜

假寂權爲體還當去欲因妄緣如是息真
靜自然新契合无生法方知不夜春獨超
天地外任意燕申申

真常應物真常得性常應常靜常清靜矣

淵一

五

一定達真常神光莫可量照開三毒室射
透五明堂寶月晴空露迷雲蘊迹亡清風
布消息應物任舒張

如此清靜漸入真道既入真道名爲得道
曠劫鎮圓成无暗亦无明谷神常自寂法

海晏然清正念投真路澄心達妙程永離
生死繫三界任寬行
雖名得道實无所得

了寂沉聲迹深通至理幽真空寧有得實
相本无修飲啄從他過威儀任自由豁然
除擬議安靜保全周

爲化衆生名爲得道能悟之者可傳聖道
爲證衆生化俱忘種種求頓超无漏果寧
許有根由取捨安能動因緣亦斷流瞥然
都放下聖道可傳留

老君曰上士无爭下士好爭

上士何无爭勤常抱志堅棲真常恬泊養
素隱幽玄俯仰觀天理窮通達道淵堪嗟
未明者競法昧心田

上德不德下德執德執着之者不名道德

德化非求報恩寬肯自矜韜光藏大器明
性瑩堅冰默契高穹遠深通至道弘豈同
愚士執分別強談能

衆生所以不得真道者爲有妄心

衆生多背道顛倒外邊求妄想因斯有真

靈昧了休本來无欠少何假强持修頓拂
迷雲盡銀蟾照玉樓

既有安心即驚其神既驚其神即着萬物既
着萬物即生貪求既生貪求即是煩惱

謀事因生妄乖真為動神皆心存愛欲着

淵一

六

物起貪嗔常蘊无明火還添煩惱塵從茲
緣受報六道轉沉淪

煩惱妄想憂苦身心便遭濁辱

為妄生嗔慾貪癡作障緣憂愁長繫絆煩
惱鎮纏綿為此迷真道從斯就業愆迴光

能返照自覺妙中玄

流浪生死常沉苦海永失真道

煩惱緣興念何曾覺自心茫茫遭苦辱擾
擾肯沉吟浪死无休息虛生直至今因而
真道失夢想轉來侵

真常之道悟者自得得悟道者常清靜矣
人若通天地俱蒙道炁存藏根深固蒂滅
魄返安魂得悟長生路須開久視門全真
神自化无上法王尊

太上老君說常清靜經頌註

北斗七元金玄羽章

東斗註筭真君 南斗註生真君

西斗註名真君 北斗註死真君

中斗大微真君 明德好生真君

洞明萬福真君 舍光延壽真君

柔德益筭真君 保元註生真君

天德註善真君

貪狼星官玄章第一

北斗延生 回真四靈 流輝下映 朗達玄冥

七元紀籍 名列紫瓊 保身續壽 永身利貞

耳目開爽 魂魄長寧 攝養精氣 與神同明
延生自然 上昇玉清

巨門星官玄章第二

北斗保命 玄靈散陳 丹田通暢 運合仙真
七元定籍 名列紫文 護身註壽 福慶維新
辟除妖惡 善瑞日臻 去來無礙 與神同輪
保命自然 上昇玉宸

祿存星官玄章第三

北斗度厄 高仙上靈 流輝徧照 內外肅清
七元錄籍 名列紫庭 扶身延壽 祿位長亨

臟腑開朗 動止咸寧 光運合景 與神同榮
度厄自然 上昇玉京

文曲星官玄章第四

北斗消災 玄黃開陽 仙靈影現 明徹十方
七元掌籍 名列紫房 衛身益壽 長啓福祥

明真降祐 滌蕩凶殃 華精氣結 與神同鄉
消災自然 上昇玉堂

廉貞星官玄章第五

北斗扶衰 真宗降靈 流霞散光 仙仗交盈
七元典籍 名列紫營 固身養壽 慶合連并

高玄接引優游五明
駕景飛翔與神同齡
扶衰自然上昇玉庭

武曲星官玄章第六

北斗散禍玄映禦空
靈威備守妖邪絕蹤
七元註籍名列紫彤
榮身增壽享福無窮

淵一

仙官扶衛步躡雲中
正真降集與神同聰
散禍自然上昇玉宮

破軍星官玄章第七

北斗益筭明霞散敷
流光普帀真炁長扶
七元度籍名列紫書
治身添壽恒處歡娛

飛仙蹈舞 遊宴玄都 徹視表裏 與神同居
益筭自然 上昇玉輿

左輔星官玄章

乾坤交泰 三命接靈 上步天宿 飛行九星
左把隱書 右執羽經 拜謁尊帝 受道之名

得越華蓋 騰翔紫庭 今日行道 萬慶交并
受福巍巍 永享長生 身變羽毛 飛昇上清

右弼星官玄章

道合三微 玄臺舉真 出常入空 逃形天關
浮翔八極 駕景紫煙 飛步九炁 變化億千

遨遊北蓋 嘯吟勾陳 所求如願 所啓如言

長鎮天地 華晨保年

北斗七元 金玄羽章

淵一

九

